



IBRAHIM (empat kiri) dan Ismail (lima kanan) bersama pemimpin persatuan UMSKAL.

Pegawai Jabatan Pengajian Tinggi temui pemimpin mahasiswa UMSKAL

LABUAN: Pengarah Bahagian Pembangunan Mahasiswa, Jabatan Pengajian Tinggi, Kementerian Pendidikan Malaysia, Haji Ibrahim Ali mengadakan perjumpaan dengan mahasiswa Universiti Malaysia Sabah, Kampus Antarabangsa Labuan (UMSKAL), baru-baru ini.

Program Wacana Ilmu ‘Dasar-dasar Kerajaan’ pada 25 Oktober lalu itu diadakan di Bilik Seminar, Bangunan Menara UMS Labuan.

Majlis yang berlangsung dari jam 10 pagi hingga 12 tengahari itu dianjurkan Bahagian Pembangunan Mahasiswa, Jabatan Pengajian Tinggi (JPT).

Turut hadir Timbalan Naib Canselor (Hal Ehwal Pelajar) UMS Prof Madya Dr Ismail Ali dan Ketua Penolong Pengarah Kanan Bahagian Pembangunan Mahasiswa JPT Zarina Ismail.

Hadir sama Pengetua Kolej Alpha Mohammad Sarwar E Alam, Pengetua Kolej Beta dan Mutiara Nona Masnie Mohd Nistah,

Penolong Pendaftar Jabatan Hal Ehwal Pelajar Suffian Osman, Penolong Pendaftar Bahagian Hal Ehwal Pelajar Mohd Fadzli Sarudi dan Pemangku Naib Presiden Majlis Perwakilan Pelajar Amos Peter.

Perjumpaan itu dihadiri seramai 15 pelajar yang terdiri daripada Ahli Jawatankuasa Persatuan / Kelab termasuk MPP dan Jawatankuasa Kebajikan Mahasiswa (Jakmas) serta Felo Kolej Kediaman.

Ibrahim mengadakan sesi dialog dengan pemimpin mahasiswa serta berkongsi idea bagi membantu melancarkan program dan aktiviti anjuran persatuan dan kelab.

Beliau yang pernah melanjutkan pelajaran di UKM Cawangan Sabah berharap lebih banyak perbincangan di antara mahasiswa dan pemimpin diadakan namun dalam suasana aman dan harmoni.

Sebagai bakal pemimpin negara pada masa depan, beliau menasihatkan mereka supaya menumpukan kepada pelajaran bagi merealisasikan harapan tinggi ibu bapa mereka.